

四庫全書

集部

欽定四庫全書

集部

御製詩初集卷四十三  
四

臣 永瑤 恭 校

助教<sub>臣</sub> 常 循 覆 勘

總校官原任中允<sub>臣</sub> 王 燕 緒

校對官編修<sub>臣</sub> 沈 清 藻

謄錄監生<sub>臣</sub> 王 鍾 岱

欽定四庫全書

御製詩初集卷四十三

古今體九十五首

可却七

避暑山莊

勝地開離宮時巡駐蹕同金行邊塞外

聖日照臨中翠栢千秋色青嵐四面通洗塵飛好雨傍

晚更濛濛

隔歲駐山莊山容鎮似常風來花作態雨過草生香小

鳥窺簾捲清琴倚壁張

含飴叨厚澤觸景那能忘

烟容罨翠岑逐處稱幽尋石秀今秋草潭明古月心  
蘚蛩吟露冷草鹿度雲深極頂衆山小悠然暢遠襟

雨中對瀑之作

膩雲四合傍峰低借助飛泉繡壁西可是山靈解人意  
每教秋雨湊詩題

前年駐此亦有  
雨中聽瀑詩

琴音上下聽來合雪

色繽紛望裏迷石鼎烹雲纔片刻即看新水漲前溪

色色聲聲總淡如悠游而眺靜聽諸不經意作吟無盡  
恍可人懷會有餘跳沫錦鱗依石岸飲泉蒼鹿下林間  
賞觀底事登廬阜妙處當前寔起予

荷

紅霞翦翦艷吳紈鬧掃新裝鏡碧瀾漫謂遲開綠候異  
却辭早謝待人看風前弄影還依柳雨裏霏香欲賽蘭  
芝徑雲堤清賞處

三十六景之一

幾多丰韻鬥秋寒

漢玉赤刀歌

出匣寶氣騰葱鬱秋水一灣落霞拂游及恢恢豈少刷  
疑有丁甲相呵噉蟠虬之而鼉采蔚當年西序橫陳物  
介紹大訓連朱芾姬室文明此黼黻遐思成康不可迄  
涼

塞雨能增冷秋山不障寒馬蹄輕可試鷹羽勁思搏隼  
草將霏白巒楓欲作丹總催秋稼納農慶築場寬

避暑山莊百韻詩

有序

我

皇祖建此山莊於塞外非為一己之豫遊蓋貽萬世之  
締構也國家承

天命撫有中外于古未有之地盡入版圖未服之國皆  
受封爵而四十八旗諸部落屏蔽塞外恭順有加  
每歲入朝錫賚燕饗厥有常典但其人未出痘  
者以進塞為懼延頸舉踵以望

六御之臨觀光欽德之念有同然也我

皇祖俯從其願歲避暑於此鱗集仰流而來者無不滿

志以歸且也三代以上無論矣三代以下享國最久者莫如漢唐宋明然四姓皆一再世而變亂生焉是豈

天心之怠眷亦人事之偷惰寔致之我

皇祖有鑒于此故自三逆底定之後即不敢以逸豫為念巡狩之典或一歲而二三舉行耗財勞衆之論夫豈不慮然而凜

天戒鑒前車察民瘼備邊防合內外之心成鞏固之業



習勞苦之役懲宴安之懷所全者大則其小者有不  
必恤矣使誠以遊冶是尚即深居九重厭見百辟  
恣聲色怠政事誰其禁之而必往來沙塞風塵有  
所不避飲食或致不時以是為樂固未見其樂也  
予小子自十二歲蒙

皇祖思養育宮中侍奉左右扈蹕至此親見

皇祖高年鬚白允宜頤養尚且日理萬幾暇則較射習

網閱馬合圍雖

天行之健自彊不息亦

聖度之恢與時偕行也故繼序以來敬惟

昔日時巡之意更值四方寧謐之時實不敢使文恬武

嬉以隳

聖祖之家法而每駐蹕山莊羨墻之見雲日之瞻惻然  
有不能自己者敬成百韻畧識

皇祖卷阿之遺志并申孫臣孺慕之悃誠云爾

開國超三代承

天撫八陲鴻功常有赫

厚貺本無私於古亶騰邁而今被皞熙顯承

三聖緒底奠萬年基滇海銷兵靜王庭納幣馳玉闕  
閭戍壘銀渤息鯨鬣以守還兼創居安不忘危時巡曾見  
舜即辟詎惟岐勝境山靈秘昌時造物貽來遊頻可託  
經始乃於茲土木原非亟山川已獻竒製猶尊土砌巧  
不尚雕栢掖輦

慈顏預揮豪

天藻擣劬農咨寶穡勤政飭鳩司鳥獸歸咸若天喬總  
蔚而賢王誠愛戴好爵豈羈縻內外一家合休和百世  
禪

六龍天浩浩四牡歲駢駢頤養

精神健疇咨經緯施故知非適已實以蘊深思况匪牟  
畊地何曾費帑資給支需內府結構宛蘭錡卓立峯名  
磬橫拖嶺踰獅灤河鍾坎秀單澤擅坤夷繚堵依巖迴  
周廬寫月規陟原量遠近列表度叅差宛似天城設無

煩班匠治就山為傑閣引水作神池允矣儉斯稱佳哉

奢豈為景標三十六章綴畫圖詩次第聊申咏規模略

可窺烟波欣致爽景物首應推右烟波致爽芝徑逶迤接雲

隄左右歧右芝徑雲隄延清三伏日右無暑清涼解愠五絃絲右延

薰山館巖秀原增壽水芳可謝醫擇宜開牖宇攝靜適襟

期右水芳岩秀萬壑松風奏千秋畫幃披右萬壑松風清溫維

色養清越合神怡右松鶴清越勝地臨平野高樓納遠思右雲

山勝地雲嵐四面罨斗室幾楹宜右四面雲山北枕巒凌漢右北

枕雙

西瞻霞施曦

右西嶺晨霞

鍾峯長直巖巖

右鍾峯落照

雪岫更

嶷嶷

右南山積雪

碧月白梨院

右梨花伴月

紅荷綠水湄

右曲水荷香

風泉清聽滿

右風泉清聽

濠濮素心隨

右濠濮間想

日監欽

天緯雲牕俯玉墀層霄宛可接負宇暢無涯

右天宇咸暢 暖

溜蒸霧液暄波漾淺猗心神堪澡雪興會益淋漓

右暖溜暄

波石壁泉源邃

右泉源石壁

青楓綠嶼蕤

右青楓綠嶼

戴顓聽偶

慕

右鷺轉喬木

周子愛堪師

右香遠益清

花以金名貴根從佛地

移

右金蓮映日

飛流頻詠李天樂不須夔

右遠近泉聲

月舫浮芳

泊雲帆掛翠屨

右雲帆  
月舫

臨流弄竿綫

右芳渚  
臨流

俯水鑑鬚

眉

右雲容  
水態

繞石鳴琴筑

右澄泉  
遠石

澄波疊錦綦

右澄波  
疊翠

熊

飛寧待夢魚樂或能知

右石磯  
觀魚

鏡水風微縐披來若漱

瀾雲岑態多幻望去忽嶽崎

右鏡水  
雲岑

夾鏡湖光滙

右雙  
湖夾

鏡長虹練影歌

右長虹  
飲練

甫田多瑞穀叢櫬出喬枝

右甫  
田叢

櫬流水心無競閒雲意與遲

右水流  
雲在

三山依約在四序

始終之大塊文成繪

聖人情見辭嘉茲仙境擴致彼物華滋隴麥雙歧挺町





牌鹿官無入澤麋惟應育麟鳳豈許匿狐狸羽客青田  
種文禽丹岫姿書空成篆籀刷羽接呆愚每見鰭魴麗  
何勞鷓蚌持羨魚丙穴鯉品奪富春鮓凡此嘉生富要  
歸

茂對時幾曾誇豫大彌復塵寒飢經國留規範籌邊肇  
保釐每來增惕息言念重吁噉歲月何云速

息勤不可追省方頻駐蹕觸景憶含飴

聖日常懸照秋風轉益悲

天施誠浩蕩神器重肩仔敢復圖休逸惟期矢敬寅外  
安先內撫夕訪並朝咨天運欽調幕人情畏舉慕古今  
垂炯鑒書史足元龜

遺烈毋忘

祖揚休祇愧台纘承奕禩勉

福履萬年綏

清舒山館

近樹遥峯崑翠光清秋偶此憇山房依然前歲來遊地

重撚吟髻尔許長

山泉過雨冽而清更折枯枝松下烹一縷纜看林際出  
片雲忽與半空橫

蛩語花香秋未闌畫屏書幌曉先寒泉淙劍峽琴誰弄  
橡墮苔枰碁自彈

鹿來谷口窺人立魚向溪頭咬藻浮萬彙機緘歸易簡  
當前妙蘊足研搜

羲圖虞典陳班几流水高山寄玉琴要識清舒最佳處

一溪一壑稱人心

駐蹕波羅河屯

涼颼獵獵裊旌旂  
乾鵲喧鳴霽景浮  
塞外山川還似昔  
谷中禾黍摠登秋  
離宮平楚依清賞  
金令豐原事大蒐  
鱗集名藩環道左  
愧予何德此懷柔

曉行

曉行巨驛路  
袷衣侵峭涼  
愛此晨曦殷  
離離白露光  
馬度阪莎濕  
風拂崖荔香山  
田銅雀鳴秋稼  
如雲黃誰云

地利遺墾植彌遐  
荒究不免飢寒翻  
以增徬徨

新月

西宇遙看掛玉弓  
中秋數

上聲

日未云中已勝十一月中

月普照三千空外空

柵風荔影共徘徊  
疑是仙家白玉臺  
漫說錢塘潮好看  
萬山齊赴湧金堆

朦朧烟樹夜齋清  
借助遙村雙杵鳴  
會得前秋詩境界  
太虛何物惹閒情

沈家村

前歲沈家村他處歉秋此較好今歲沈家村却同他處  
登萬寶安得遍海宇皆似沈家村旱暵可肩澇可洩五  
穀常獲華雞豚村內老翁抱其孫憮然獨不喜感眉相  
與言三時勤農實已憊遠近俱收向誰賣

行營

峻嶺天城野甸寬慢廬帳殿鬱龍蟠千軍牧圍如星拱  
萬幕旌旗入畫看行漏遠過計里鼓挈壺傑豎相風竿

省方脩武欽

先制劄守還思孰易難

餅花

山花無名致總佳  
淺絳深黃爭倩若  
詩人畫客幾曾經  
雁塞龍堆欣所託  
丁星玉露且鮮妍  
搖曳金風未落寞  
掛餅聊與作清供  
依舊前秋瓊室樂  
恰似丈殊示善財  
採來莖草無非藥

塞山

塞山紛合皆遠近望中分有樹都張錦無峰不範雲馬  
前橫黛影空際疊螺紋孫綽天台賦那如大塊文

雨

塞雨灑涼秋山雲湧似流輕寒增幕底野水漲谿頭牧  
馬嘶聲杜飢鷹側翅愁命車傳罷獵聊學魏文侯

止頓就平崖千廬次第排攻車雖有制漸石亦堪懷楓  
嶺湔紅葉蘭皋潤綠英消閒帷殿裏書史作生涯

晴



急雨如飛晴亦速  
袷衣馬首頓生涼  
擘雲朱鳥天中杲  
朗照千峰紫翠光

賜宴諸外藩

豹尾龍旌駐塞陞  
穹窿帷幕慶雲披  
底將外視稱甌脫  
即看來賓逮月支  
千襪永遵清制度  
中朝間去聲用漢威儀  
桐官三爵何須限  
正是秋高湛露時

柵風

戛戛柵風壯商聲  
果是商入林驚  
落葉隔嶺淡晨光  
藉

草全霑露純棉且禦涼吟成聊紀節屬賦讓歐陽

錦樹

錦樹高低倚翠嶒風前作態恰相應霜飛碧落天容與  
曦晃赤城霞蔚蒸詎必芝蘭誇有味還教松柏結為朋  
山靈點染工神術畫裡闕種得未曾

獵

金韞秩序玉旻清大獮乘時晃旆旌雲棧迥疑懸索度  
川塗還教貫魚行午原合處規弓滿曉翼舒時象鳥征

虎園豹房休更築谷蠡左右是林衡

八月初十日對月有作

東嶺漸徘徊流光朗磧臺子弦將欲滿桂樹若為裁五  
日何須盼中秋依舊來棘闌相照處遙企得真才

曉行即景

夜雨釀晨寒曦輪隱峰半旋旋暖光吐林樾增輝絢露  
重馬蹄濕巒迴鳥道轉曠谷捲千幕野火騰餘爨氣壓  
不能升結作白雲片始穿雲際出忽據雲上看乃知嵐

靄竒總自人意幻攬轡立斯須清吟紀所見

興安絡緯至小而色綠率筆圖之兼題以句

依稀果羸負螟蛉塞草霏黃尚作青可惜徐黃曾未覩  
為傳蠕動補蟲經

莎坂蒼烟動股鳴雲間天淡磧垣清若教賦質渝闕裡  
答響流黃更覺情

跂跂脉脉露華枝欲上寒英意轉遲大小畧殊牟益畫

牟益擣衣圖續入石渠寶笈中神品也

風流渾脫惠連詩

何必花棚草舍尋一番畫取更長吟閒聽靜想評形似  
瓊室清宵冷逼衾

中秋日侍

皇太后宴

野曠高秋淨天空素月光漢懸蟾閣影風送桂輪香露  
宇宵方永帷宮夕未涼南山應有約隔歲一

稱觴

塞外行圓間歲舉行  
率值中秋節令云

中秋即景

豈誇朗朗與昭昭大漠淒清天次寥萬里陰晴同此夕  
千秋吟賞逮今宵絲絃急管聲翻闌瓊室藤牕興自饒  
莫更翠峰升極頂嫦娥那許便呼招

疊舊歲中秋帖子韻并令梁詩正蔣溥和之

有序

羲和轉歲仍當少昊蕭辰塞磧宜秋恰值望蟾佳  
節眇側峯與橫嶺都歸朗照之中更荔露而蘿烟  
總助廣寒之景單栴止頓萬幕雲披蘭殿稱觴千  
秋山對歡同中外翠瓜并花餅分頒澤速與儷原

鹿與澤麋遍及又何必中庭地白歎秋思之誰家  
塞外草衰感邊聲之四起者哉曰思鸞牋綵帖創  
自去年便教步韻連吟用酬今夕縱非彤墀瑣闥  
陪屬車者越有鄒枚何妨摘藻拈豪居右座者莫  
期司馬爰成首倡各進載賡

風清月白好秋閒應節吟詩不可刪底事今宵輪見早  
此山高外更無山

嫦娥還守一輪光彷彿風吹桂子香今夕三條銀燭下

萬人昂首眄雲匡

帖子宜春例可師堆盤瓜餅入新詩偶拈舊韻瓊帷裡  
不異秋風太液池

籟是仙韶松是樓廣寒法曲讌中秋便教即景龍堆畔  
也勝徵詞玉殿頭

聞雁

暖氣泛楚江肅肅雁北鄉北人謂之來南人謂之往

叶

塞垣寒氣早雁赴衡陽期北人謂之往南人謂之來

叶



乃知往來無定論隨陽豈解分主賓  
霜夜嘹嘹數聲度  
又是一番詩意新

曉月

泣露淒風碧漢陞  
寒光偏共曉光披  
莫嫌規影將虧半  
不讓團圞三五時

蕭疎涼影落楓楸  
白處微知澗水流  
西嶺不教飛度速  
應緣回首惜中秋

大漠四更山吐月  
秋風八月馬嘶晨  
前年詩景分明在

瑩目清光不染塵

山雨

山雨斜飛馬上看  
崿峰浴翠樹湔丹  
溟濛作勢霏林霧  
倏忽奔流漲峽澗  
麥隴菜畦方沐澤  
檀盧布帳漫愁寒  
清吟別有關心處  
萬慮何能一憾歡

呦鹿

呦鹿秋深鳴其聲  
隔澗聞雄者各護  
雌爭長難同羣  
合圍廣甸中麇麇  
乃畢臻避人相率  
馳命侶無區分不  
惟

忘妬猜而轉情相親閱墻外禦侮歎然何況人

閱本口占

此豐彼歛總難同物理人情豈易窮只有孜孜勤政意  
無分塞外與宮中

霜

塞垣先識冷白露早為霜度草無留綠霏林不約黃蕭  
森餘夜氣熠燿晃晨光鴻雁偏知信南飛叫數行

楓

邇日晨霜重巖楓盡作丹樹中傳正色塞外識金官照  
日疑霞爛經風惜露殘林深鹿呼侶枝靜鳥梳翰變幻  
烟雲狀繽紛錦繡團山靈工點綴正及鞞鞭看

羶廬

不陋非奢慶有那移行惟藉一封駝年華就裏常如舊  
詩思於中強半多金鴨篆紋垂猷穗紙窓月影裊烟蘿  
每叅性理消清暇即境還同安樂窩

夷齊松歌

逾僧機圖之嶺而南折而少西有松焉側倚翠壁  
俯臨迴谿雙榦遙撐干雲霄而上者以尋丈計其  
頂乃虬盤埒堦若樓若宮自遠望之謂兩樹之生  
有如此相肖乎及至樹下寔則同根也乃名之曰  
夷齊松而繫以歌

有山盤盤有水潺潺逢二老兮其間遠而望之前者友  
而後者恭若伯仲也近而睇之日斯邁而月斯征乃  
同根生也二老之芳踪吾不得而知也考之古則有其

人曰夷齊也夫何餓西山而僵仆者挺朔漠而輪困惟  
彼與此兮孰主孰賓豈惟周粟之不食兮蓋自賦質以  
來曾烟火之未親詎黃農虞夏之不可見乎元黃初判  
落落者與天地而長存雪覆曦暄何涼何燠夏茂冬彫  
何同何獨獸伏鳥棲何徵何逐胡倚羸封何榮何辱吁  
嗟大隱兮視此山木

山市行

海客談蜃樓絳宮明滅杳難覩齊人詡瀛洲三島荒唐

無處所豈如山市擅竒觀惜乎初未聞之古秋山行旅  
舊曾圖烟樹蒼茫知幾許水氣嵐光同一如爰為標名  
詩以譜雁塞龍堆萬嶺藍風清霜白九秋序曉星初上  
殘月明寥天將曙朱輪吐停鞭絕頂少徘徊山腰蒼蔚  
纔一縷非烟非霧復非雲如嶽如樓更如櫓湏臾變幻  
滿空白幾點金焦露齟齬翠柏丹楓時隱現陡壁懸崖  
互容與乍合倏離難捉摸馬騰波赴誰部伍如從雲海  
泛騫槎咫尺琳宮並瑤圃谷神游戲有是哉畫家留白

此真祖

哨鹿

呦鹿鳴深秋  
虞人哨致之  
格物有會心  
祇緣聲應隨  
哨鹿古未聞  
差如鶴雉媒  
澗一聲鳴麋  
麋爭長來  
曉起登崇山  
山下止頓所  
萬燈如列星  
秋池浸天宇  
即鹿以類招  
偶一試其技  
鹿來固欣然  
鹿去亦可喜

暖

侵尋軟暖變  
輕寒柳尚拖  
青楓半丹因  
識秋光留避  
暑



木蘭行獵畢將廻  
蹕駐避暑山莊

從教涼意別興安風緣谷曠全非峭

天為山踈漸覺寬菜圃蕎畦均倍獲農功南望頓生歡

九月朔日作

夜雨漲野水曉風驅絮雲驛路九秋景客鞭涼露晨鹿  
柴有人家烟火東西鄰塞行將及月聞雞意却欣萬里  
玉關外憶彼長戍人

廻鑿至波羅河屯

大獮時修返翠鑿築場正及按途看村炊香氣騰餠粥

頓解心顏為益餐

比櫛崇墉似去秋  
今來稍解望年愁  
長官道左休誇稔  
畊九餘三好共籌

行宮秋景尚清嘉  
喜先重陽對菊花  
丹翠林光依畫壁  
淺深山色入窻紗

菊

閒堦破萼闕輕涼  
隔歲重看正色黃  
秋卉中宜作盟主  
春園畔不逐花王  
名標隱逸真孤調  
態洗鉛華祇靜芳

底用飲泉方益筭千秋已見壽嵒桑

晚節秋容迥出羣離宮靜對意彌欣寒蟲借助酬清韻  
爽籟依稀送逸芬風度獨臻無色色品題何事湯云云  
却饒前歲重陽景把筆拈花傲朔雲

村行

山田收罷圃場盈拍拍時聞耒板聲一路好秋經飽看  
思量不負驪鞭行

蔭槐環柳柴扉接背嶂臨溪板屋重不道古來征戍地

家家水碓熟冬春

老翁曝背繞兒孫  
莫笑田家老瓦盆  
東舍炊烟引西舍  
後村流水到前村

韭圃松畦生意足  
豆棚瓠架葉聲乾  
從容茅店咨終歲  
迤邐蘭衢破曉寒

點綴霜華白石津  
葦門隱映靜無塵  
隔林却見青帘颭  
便有尋廬問酒人

婦織男耕長作計  
雞鳴狗吠鎮相聞  
即看邊外間間富

百歲熙和豈易云

即景

萬嶂自縝紛中峰獨出羣紅霏敷露葉白重護霜雲漲  
影懸崖落剽聲古寺聞詩人易看待點筆與平分

一嶺界雙水雙流匯一溪問誰為布置莫與識端倪  
野鳥呼名異山田納稼齊侵鑣寒氣重滿谷霽烟低

素節淒清裏秋山來往中賞心隨所遇拈詠詎從同樹  
耐微霜綠峯銜落照紅豁然無點翳寄興在長空

木蘭迴園駐蹕避暑山莊

山容紫翠剝增憐  
迎面西風大獮旋  
別館重來纔隔月  
六駘此去動經年  
荷如憶夏從新豔  
樹不言涼以意傳  
迴首翔雲稠疊處  
射鴻應在那層邊

秋深潦水盡寒塘  
鳧雁乘波下幾行  
翠管誰教翻楚曲  
疏眉雅解易唐粧  
楓排列嶂欺霜綠  
菊先重陽冒雨黃  
即景試吟親切句  
每因代謝悟真常

晚荷

御湖芙蓉強半紫山莊茵茵如霞美初來時節乃新秋  
謂是偶然耐寒爾塞垣旋蹕近重陽尚有臨波纈紅綺  
宛向霜天共菊芳依然露嶼同葭倚南暄北冷殊未然  
彼屈此伸固其理

江南潮災歎

乾隆丁卯七月望蘇松罹海潮之患崇明南匯為  
最重連延數州縣漂室廬溺老幼不可勝計督撫  
奏報賑救之策亦既殫力竭心而下詔蠲稅截漕

更復多方籌畫然遙願灾黎憾憾不能去諸懷夫  
六幕不調洪波示警伊誰之咎歟爰效杜甫同谷  
作歌之體為江南潮灾歎用示督撫諸臣兼以自

訟云爾

江南古來稱澤國十歲九澇患不息集議為謀疏浚方  
補救惟應盡人力潮灾數十歲一遇不先不後於茲值  
嗚呼一歌兮歌始辭遥遥南望興嗟咨

有奏有奏自南來七月望日潮為灾天經淳涌洪濤湧



氣壓百川為倒迴縱有禹也應束手胥為魚矣惟增哀  
嗚呼二歌兮歌再陳披奏到今常感辛

蘇松郡邑濱大海叶民乏那堪遇凋瘵一夕風濤多沒

淪南匯崇明首稱寂去歲淮揚河患重胡乃灾傷一時  
會嗚呼三歌兮歌放言波臣何處為招魂

彼時聞道多東風赤龍奮怒長蛟洪鼉鼉蠖蝮借勢雄  
磨牙礪爪思腹充萬間茅屋如捲蓬湏臾化作馮夷宮  
嗚呼四歌兮歌四疊傷哉吾民命輕葉

民命輕於葉可傷昏夜走避無向方巨浪連山風更鼓  
泔泔汨汨雨屑涼屋廬漂蕩全家沒其稍幸者乃有孤  
兒孀婦哭其傍嗚呼五歌兮歌未闌不必眼見涕汎瀾  
死者已矣生堪憫驚魂纔定沉酸引強奪弱餐祇為飢  
毋牽子售非由忍此時破屋已無依轉眼冬來更寒窘  
嗚呼六歌兮歌將已不為空言徒罪已

誰云救災無善策畫一分心一分益截漕蠲稅粗示概  
調劑詳籌牧臣職倉儲庫帑莫吝吝墨吏豪胥戒侵索

嗚呼七歌兮歌悄終吾言有盡心何窮

振鐸行

山莊迴蹕林猶綠一夜霏霜幻何速兼以谷風颯沓之  
振鐸湏臾萬山禿鹿叫榛烟失所蔽幽禽下樹鷓殘黃  
平湖貼貼如湔錦奚必三湘七澤傍宛轉怱飛更間委  
憶六年前曾詠此同時賡者存歿半况茲薄質胡可恃

避暑山莊晚秋

嵐氣千峯斂金風一谷寒長空無點翳潦水盡澄灘菊

瘦綠依石松蒼不礙巒豁然憑縱目心與太虛寬

重九日侍

皇太后宴

樹杪雲標地鴻賓鹿侶天巖齋臨繡野村景蕩朝烟節  
以題糕設杯因獻

壽傳山靈應怵喜重見菊花筵

九日避暑山莊

九秋節駐九仙家追賞乘時意趣賒却勝前年臨紫塞

只緣今日對黃花

前歲塞外有九日無菊之作

遙吟俯暢澄天宇結

佩浮觴趁物華別有登高心慰處榆關外見好桑麻

### 灤陽別墅

巖齋瀟灑暫棲遲迴蹕欣當秋杪時岸際潦澄知水性  
林間葉落見山姿

俯暢遙吟天宇寬捎檐竹籟夏輕寒宜人只有霜楓好  
添得中峰幾疊丹

落葉驚風階砌填深秋烟景劇堪憐黃花不為重陽度

露染霜皴著意鮮

暗流激石鳴幽澗  
翠影扶松上綺窓  
洗滌塵根歸靜所  
好叅聲色自拈拵

秋色隨宜境趣賒  
越於深處見清嘉  
萬山九月三間屋  
不惹閒情長道芽

雨

戲成一  
韻體

剛覺詩題少山靈  
送雨霏應緣留宿  
宿便與駐駢駢  
巖  
牖峰無滓迎階菊  
有馥晴開雲巘迴  
畫境是耶非

小金山

每到小金山心神頓曠閒  
秋深逾覺好塞上薄言還  
霜葉繽紛落烟蘿取次攀  
石橋凌碧漢擬欲叩仙關

御製詩初集卷四十三



欽定四庫全書

御製詩初集卷四十四

古今體九十六首

丁卯八

讀杜詩

我讀杜詩亦已屢每一開編興會殊與造物遊不知窮  
柳州所言謂是乎銜官屈宋徒自詡律驚神鬼誠無如  
尋章摘句祇陋耳抹月批風猶故吾

常山峪行宮晚秋

山容似畫淡彌趣秋色如詩老益工拾級丹梯寒霧荔  
背屏翠壁眇霜楓

谷口風來聲覺壯溪頭潦盡影含清朝際一縷因移石  
去作白雲天外橫

峽峰無數入窻紗寫照窻前了不差正慮遙天無點綴  
林邊恰噪晚歸鴉

急雨驅雲增暮寒秋英繞砌濕闌干遣懷不苦吟情澁  
底用拈鬚一字安

山田

山田率有收其說頗嘗試陂陀易疏洩霖雨無憂積氣  
潤蒸霧露便旱猶霑洎所以其生穀短莖而碩穉屈指  
數年間五過乃豐四去歲山左歉賑恤亦云倘所濟究  
難遍災黎群走避携妻負其孩來者以萬計亦有筐盛  
種或乃犁拖犍懇闢厥荒確謀食聊託寄長吏漫遮迴  
輕去豈其志幸得免溝壑何分內地幾見榆闕外耕  
作恣民意以此略為慰更復念不置聚者日以衆地利

已無棄穀賤則傷農天時况難必叶嗟嗟守牧臣豈不  
深長思

曉行

寒峭霜蹄重長村復短村意行供攬結到處足雞豚度  
寺聞清磬停鞭愛曉暎石田租稅少無慮吏敲門

進古北口

鳴梢旋度玉闕雄秋老林巖颯颯風回首龍庭程已杳  
前瞻畿甸氣方蔥屏藩北界金湯壯來往南朝玉帛通

樓櫓堞垣湏整飭由來設險重王公

侵晨策馬尚行霜關內暄妍迥異常似寄丹楓塞以外  
便逢綠柳嶺之陽題糕數日纔過節納稼千村已滌場  
何幸今年如舊歲長官湏計有餘藏

密雲縣行宮對月

朔塞返行旌離宮駐清蹕天籟發庭柯蟾輝入我室  
過望輪尚圓戀秋情更逸盈匡經兩度來往渾一律鳥語  
話疇曩蛩音助蕭瑟漸覺翠峰遙對此銀雲櫛隨時愛

景光夜牕聊點筆

闕內菊花更佳率成一首

香色真無二風標只合閒依然臨曲砌宛與見南山  
露重英猶馥霜輕葉未殷如何耐冷物也覺厭邊闕

行漏

行漏丁丁朝復暮塞山磧坂於中度問渠消得幾光陰  
密轉潛移只如故

秋麥

初秋發軔時金風蕩禾黍西成喜匪遥黃雲經目覩朔  
塞大蒐歸多稼滌場貯翻犁播麥種芄芄復如許相距  
纔兩月農務易已屢叶勤劬莫過茲天時况難怙周覽  
農家具同此識疾苦

茁隴蓬蔥綠循觀聊展眉欣彼生意佳致我馬足遲未  
覺繇霜侵仍餘瑞露滋劬農雖愜懷祈歲更塵思既願  
冬雪足還蘄春雨時年來此際慰虛望或有之以此喜  
與憂迭起無窮期人知玉食尊其艱誰得知

駐湯山行宮即事

於此得佳趣于焉駐旅鞍靈區自仙境暖液辟秋寒綠  
柳色如故黃華芳未闌研精書室靜天定信隨安

向在書室

顏額曰隨安今離宮別院亦以是名之

天空皎日明別院九秋清坐久懷前歲蒐還喜近京幼

農咨父老詢政覲公卿

是日京中王公九卿來接

得志田多稼因之

一暢情

晴影入庭深池流引暗琴雪花噴龍口香穗發蘭心脉



脉符仁義溶溶鎮酌斟徘徊思浴德詎止滌塵襟

題董邦達倣李成茂林遠岫卷

古人絕材不可量吟咏之餘精繪事在唐王維杜牧宋

米芾蘇軾爾家思白曾標幟當其神來奪化工豈可形

肖求纖備其次閻立吳道及李成荆浩元氏大家厥有

四各工其事遂造精要以氣韻為之帥此圖粉本出營

邱真蹟曾編能品類慘淡經營或過之乃知畫法首貴

意崇山峻嶺何穹窿崖枝澗葉相蒼蔚水閣開牕到底

清浮圖倚寺凌空際別有飛流走白龍下經石瀨珠璣  
碎荒村略約更絕勝源中尚有秦人避溟溟濛濛堆濕  
潤裝潢觸手虞霑清我從山水窟中來愛此猶然看不  
置求之古者原有契還慮後者難為繼繡縑金鐫得所  
宜秋月春風永相寄

季秋養心殿

閱武揚鑿返北庭軒宮疇政驗辰星有秋歷覽登三黼  
盱食惟期協九經溫樹延年餘翠影寒花正色發幽馨

灾黎陡憶吳淞郡廣殿高居敢自寧

詠壺盧器

壺盧器者出于康熙年間

皇祖命奉宸取架瓠而規模之及熟遂成器焉盃盃盆  
盃惟所命蓋其朴可尚而巧亦非人力之所能為  
也爰令園人倣為之既成題以句而識其源如是  
繫在栗薪烝陶人豈藉憑玉成原有自瓠落又何曾納  
約傳遺製隨圓泯銳稜愛茲淳朴器更切木從繩

御門

禁門咨庶事常朝接羣彥銀蟾尚餘光蓮漏初停箭慄慄切獨懼魚魚偕衆選豈其旅進退實以資匡贊坦平丈石陞淨潔龍書案最哉亮采儔佇爾嘉言薦

學字

硬黃閒搨適幾餘曦影温暾上綺疏覆腕搶毫徒有法純繇裹鐵始稱書釵痕妙格曾聞古筆諫名言足起予研潔甌香書室靜忘懷彷彿十年前初

戲題盆菊

徒霑盂水潤不改傲霜姿恰似柴桑老折腰五斗時

題董邦達做荆浩匡廬圖

陶鎔靈運山居賦隳括仲長樂志論我欲拈題渾不得  
晴牕靜對合忘言

因迥為高築構宜溶溶夾鏡白蓮池魚梁漲退沙紋活  
虎落風來葉影隨

飛流得地作溪平溪上偏宜略約橫嘉爾說詩渾似鼎

笑他能畫不輸荆

雨餘峰色翠模糊溪壑天成意匠殊樂土桑麻真得所  
照園梵貝只虛無

著辟常疑生紫烟幾層輞水漾淪漣節簾日暖叅生動  
興在鑪峰阿那邊

豐澤園嘉穀既獲命大學士九卿觀之兼成近體

八韻

我

皇祖以農桑為重於瀛臺之西別建一園黍高稻下左  
右區分蠶屋桑疇後先相望驗田功而重本計貽

訓良深

皇考年舉耜田之禮每先期演耕于此予小子仰

聖踪之同揆其敢弗履茲當萬寶告成之際王畿遍覽  
而旋越我美田亦登嘉穀對時有喜點筆成章

較晴量雨一年中家法塵農

聖聖同倬彼公田經

舜步欽茲本務對幽風三春于是青箱播九夏曾看玉  
穗芄實好實堅欣始遇維糜維芑類皆充莖莖尺穗真  
希見顆顆圓璣允化工快目稍酬祈國志因心敢懈凜  
淵衷勤耕時溉兼逢歲山左江南可遍豐鷺序傳觀休  
進頌先憂後樂事何窮

晚秋瀛臺即景

仗馬排芳岸游龍達玉津趨臺宛蓬閣香屐重逡巡樹  
態疎添紫波光皎疊銀誰云秋色老蘭卮鎮涵春



綺砌黃花秀蝦簾朱鳥晶篆烟徐遞馥芸帙靜含清巖  
峽猶飛瀑池亭可泛觥蓼蕭遊豫處著癖畫圖成

去歲賜宴

賦詩已命畫院繪圖辟間

### 補桐書屋率題

溫暾曉日一牕紅牕下工夫想像中昔日今時猶歷歷

### 補桐書屋自雙桐

枯枝早是中琴材

裁舊桐為四琴亦於是室歲之

新榦扶踈翠影堆淨

几明牕重得句肯教虛度此頻來

石門松影鬱蕭森  
書室三楹倚碧岑  
階下淙淙鳴曲注  
朱絃不奏亦琴心

瀛臺大理石屏歌

直方大幅出巖巒  
製為屏風陳座端  
不忘本來具神解  
林嶺猶肖點蒼山  
琉璃呆愚嫌巧脆  
錦繡纂組徒繁麗  
豈如山骨堅且朴  
更不鏤斲致刊敝  
白質青文潤以腴  
高低溪壑天然圖  
倪黃董巨稱妙手  
踈斂澹染終不無  
廡而弗剝柔豈屈  
巍然猶是前朝物  
幾經海水復桑田

依舊春風更秋月

賦得太液秋風

蘭舟浮太液葭岸起秋風  
感得波紋細分來日影融  
偃蘆惟益白經暮已辭紅  
幾度濯清處吟懷迥不同

陰

秋麥種已遍秋雨早應時  
千里覽茫茫停鞭欣可知  
惟賴冬雪足伏氣日益滋  
可使遺蠋深更耐春霖遲  
此際纔秋杪少待猶及期  
清晨報雲布疎密頻頻窺  
倘邀六

雲霏亦稱三白宜譬彼望蜀人得隴慰已老又如未獲  
蜀魚慮隴失之年來祈歲心展轉凝雙眉望雲思雪意  
聊復吟前詩

盆橘

碧葉圓籠雙疊緗實紛垂百枚又見盤山山色天成閣  
裡移來

過淮為枳空傳洞庭霜色依然畫取曾荒率筆

甲子年  
曾戲為

天成寺  
盆橘圖

懷將却憶前賢

李世倬自

孔廟視禮器廻路便圖泰山一峰以獻因題其上

景行積悃望

宮牆視禮先期命太常詐為嘉陵馳去傳却携秦嶽入  
歸裝天闕虎豹常嚴肅松磴虬龍鎮鬱蒼便是明年登  
眺處好教

雲日仰

仁皇

重華宮書室題壁

餞秋時節破冬初旭影溫暎在綺疏  
依舊年光經一紀  
每從幾暇樂三餘  
猊烟靄靄紫銀蒜蓮漏泠泠滴玉蜍  
靜憇非闕叅半偈  
暫教六欲少因祛

杜詩

杜詩於我有何緣  
每一見之不忍捨  
寒為衰日可宜冬  
暑作雄風足消夏  
於唐拔爾軼盧駱  
在漢綽然婉班馬  
清詞麗句空古今  
一一皆從性中寫  
嗚呼今而有其人

磬折吾當拜風下

漢玉辟

一泓秋水潁霞染疎列明星四五點何代連城出幽坎  
設置秦臺能照膽東序大訓非厠忝相輝古色不可掩  
尺璧非寶式前範

齋居

朶殿輕霜拂帝蘿齋居權喜政無多楓殷菊淡爭秋老  
几靜牕明愛日和拈韻底須工祭懶學書不為換籠鷲

哀鴻陡觸蘇松澤轉瞬冬來計若何

董邦達傲王詵漁村小雪卷

蛤粉輕勻貌雪姿不教留白巖前為別傳寶繪堂中法

王詵有寶繪堂

宛見富春灘上時雁陣驚寒猶箇箇漁簑耐凍

故披披蒼松強項撐雲表是客星耶繫我思

弘德殿

軒宮象紫垣璇籜接路寢居中撫八埏奉三育羣品儉  
詒階尚土侈戒帷裁錦萬幾常自惕庶政於焉審但希



六幕調宵衣亦安枕

孟冬時享

太廟禮成有述

午門鼓響散晨光

凡祭日出午門皆鳴鐘  
惟祭太廟則伐鼓

太室修烝繼履霜優愼心源承

一脉躬親祭典重三王宗潢執事邁劔肅韶樂陳庭磬  
管將詎止祈年魚卜世繩繩奕禩奉其鄉

頌朔

冬初頒歲朔

天道體貞元為識農功要非誇天子尊三正同六服玉  
律自金門即看陽和近披來朱鳥瞰

倪瓚畊雲軒圖即用其韻

瑤機錦綉豈岱石底事開看蒼蔚滿乃知妙筆奪化工  
清閼倪迂突范緩嘉彼雲軒宛可居便藉天池試供盥  
眠雲更憶缶鳴句

卷內有高季迪題五言絕三首又  
徐賁眠雲圖亦有高題五言古歌彼

固非修此非短由來氣味有相合如響應聲條依榦

又和圖後題者韻三首

高人難屈指清辭會一處而我乃何緣亦此題雲樹

巖雲乍撥開杖策隱者歸歸軒設隱几作鶴傍雲飛

畊雲子為誰

圖後王穉登跋云畊雲子未詳誰氏

盖似眠雲客重此悟青

邱俱來喜鳩鵲

護國寺

護國祇園已有年勝蹟靈踪傳日下

日下舊聞云大隆善護國寺都人呼

崇國寺趙孟頫書有碑寺為托克托丞相故宅今千佛殿傍立一老髯幘頭朱衣一老姬鳳冠朱裳者托克托夫婦

也誰知今日梵王宇乃是前元丞相舍我屢經過未臨  
顧問古尋詩其可罷初冬清蹕移御園道便琳宮一停  
駕重扃寧有開明守曲砌明爭越綾研森然喬木蔭玉  
墀紛若豐碑傍雲榭天人帝釋各殊相或喜而斷怒而  
咤夜摩兜率六欲天其次脩羅鬼王伯能仁端居乃無  
為信有三摩司造化試思舍宅福何在墨胎翁媪相看  
乍幙頭鳳帔易舊裝祇博腐儒相獎借道同豈必繫衣  
冠雀弁黃收異周夏北魏金遼率殷鑒謬云復古罪無

赦北魏金遠及有元皆易漢衣冠者也不一二世而當

陵夷衰微蓋忘本棄舊徒尚虛文雖復古何益耶

年燮理責難辭翁而有知首肯謝甲第潭潭富且宏周

覽規模增感訝隔街燕國有賜居其門如水纔三架

隔街

即大學士張廷玉之居故戲及之

### 西直門外

滌圃千村納稼齊更欣早麥綠盈畦小陽景與初秋異

即事拈吟遲

去聲

馬蹄

冬春雲子香排戶露韭霜松翠上盤一幅田家樂圖就

西山黛色白雲端

初望過而繼望疑

用喜雨句意謂今春滿望二麥與大田俱豐收繼而望雨未得恐大田之

並失後幸得雨大田仍屬有收云

城闌來往寄新詩待看高廩心方慰

一歲都成祈歲時

題錢穀南城看雪圖

銀林紅寺遠參差驢背風侵客路遲却憶寒更吟白戰

范陽古道去冬時

初冬圓明園

文軒複閣小俄延，啟轡新秋倏已旋。  
兩月風光異爾許，初冬景色又依然。  
迎霜錦樹疎兼密，向晚黃花淡復鮮。  
每自靜觀知道妙，無停停處不遷遷。

赴渚泉和萬籟吟，側聽俯瞰散幽襟。  
風依山送三分冷，葉向波沉半岸陰。  
畫奪天工神貴淡，詩探月窟思逾深。  
兩言於我誠何有，即景因之試體尋。

即事

座近明牕日色柔，幾餘書史足延留。  
背秋無復頻尋菊，

趁暖還教一放舟  
松古看偏宜伴鶴  
蘆殘笑已不藏鷗

可人詩憶浪仙句  
汲引心源得潔流

賈島詩云一日不作詩心源如廢井

筆硯為轆轤吟咏作糜縵朝來重汲引依舊得清冷語雖率而意則佳

縱目園林一暢情  
小陽景物乍堪評  
含風葉影蕭蕭下  
怯凍波光澗澗明  
設使舍生無往復  
那知造物有元貞  
義經隨處叅消息  
萬象當前至理呈

沈周乳鷺圖即用其韻

襜褕弱羽學飛時  
為白為蒼未可期  
聽講每教隨慧遠



換書安得遇羲之

舍經堂

築牆所戒雕構宇何須峻階迎花木幽室貯琴書潤珪  
璋煥文府禮樂遵先進躬修企高堅氣質消鄙吝學後  
知不足道豈蘄聲聞推行慙去前規憂盛撫鴻運惟此  
恭默思菑奮守經訓

北遠山村

山村農事罷歷覽一怡顏種穗篝車滿桔槔溪町閒墻

根菘尚綠鴈外樹全敷樂土真堪繪因思寓縣間

項元汴竹石

踈篠依文石天然稱主賓壽星傳古貌玉局是前身

元汴

自記寫蘇長公壽星竹云云

豈向秋而瘦端為靜者倫即看張屋壁

个个掃烟新

初冬香山

名區信是出凡塵幾度清遊興會新景向淡中宜藻繪  
山從老處見精神籟聲出樹鏗鴻樂旭影依牕釀小春

槐落楓稀添颯沓  
頓教留綠愛霜筠

芸牕日午向陽開  
野色嵐光待品裁  
不是有心餘結習  
可能無句記茲來  
背秋三徑猶存菊  
衝雪千巖獨少梅  
清蹕漫云纔信宿  
明年花事重相催

臯塗精舍作

精舍小依遲名山  
冬稚時一雙耐冷鶴  
幾個掃霜枝  
澗底泉淙細雲端  
峯疊竒閒評更幽  
討信是四時宜

題董其昌山水卷

已傳北苑超羣法更得南宮三昧奇

其昌自跋云北苑好作烟景余於未

芾滿湘白雲圖  
畫家三昧云云

底事迎眸堆濕潤楚江烟雨動經時

### 錢舜舉山居圖長卷

未聞巢由買山隱巢由隱處定名山五畝之園千古計  
數椽草堂終日閒高賢羣結忘年友舊句應同半偈刪  
飯糲豈必傳靈運吾亦遊神於此間

### 玉華寺晚桂

塞垣早度中秋節將謂虛拋桂子香鷺嶺小留冬日嫩

依然晚對鬱金黃  
盆梅乍可同欺雪  
圃菊方看獨傲霜  
擬改尋常花月令  
招搖合有四時芳

### 香山宿月

山中宜宿月  
冬月亦可人  
巖齋此掃榻  
嶺脚半弓新

時孟

冬上

弦寒影踈薜蘿  
幽籟搖松筠  
閒庭白如霜  
窪水明似

銀尋勝不慮冷  
得句迥絕塵  
丹崖栖霞娥  
駕宛逢脩桂  
倫

聽法階下松  
指月傳來真  
淙淙瓔珞巖  
輞水動漣淪

月栖

崖聽法松瓔珞巖香

山二十八景之三光與月上下  
難分踈復親  
遠火時

明滅如豹犬吠頻少讀摩詰書惟知愛其文何期今夕  
景一一如所云

曉景

晨登香山寺

香山寺亦二十八景之一

山殿朝陽曉石磴穿雲上

上聲

銅鈺見雲表噴薄聞山泉候暖冰霜少聊因賞烟霞遂  
與窮窈窕花龕禮能仁無言自了了

初冬香山禱詩

稀微紅葉餘霜色幽咽銀泉作凍聲湯擬山深寒更峭

小陽剛稱試春行

松下鶴安寒月夢磯邊魚怯蕩  
凌波風林乍看驚搖落  
古致槎枒賸老柯

且携謝氏高低屐試賞倪家淺  
淡山載覽漏移過日午  
無妨一趁片時閒

為愛林泉小憇遲烹泉古鼎  
熬枯枝拈題適得清之趣  
觸目全收靜者思

晞陽阿

此處亦常來未比別峰殊問景值嚴節始識其妙夫陰  
嶺闢圓戶石林得仄途匝玉屏圍避風靜霜抹温暾  
金烏臨送暖烘冰鬚晞陽坐雲窩曠覽恣清娛即景思  
趙衰况予司化樞

摘玉華寺晚桂恭進

皇太后并為圖而繫以詩

和仲行冬風意饗皋塗枝上駐春豪獻來

萬壽嫦娥桂欣傍三千



王母桃香逐祥颺噴玉屑潤霑寶露裊天膏平鋪金粟  
名 圖金粟生意昌昌颺綵毫

項聖謨東籬佳色

白露為霜以後松陰梧影之間

聖謨自記寫於松陰梧影之間

又見幽

人古貌飄然綠鬢蒼顏

關仝寒山行旅圖

來往何紛沓關山自邈迤步餘霜跡白望裡峰容紫沽  
酒向茅棚問渡愁野水妙矣畫中趣悠哉畫外旨誰非

行旅人竭然獨傳此

秉燭

秉燭天將曉問

安長樂廻

起居欣適豫靜待萬幾來

倪雲林秋林山色圖

元稱四大家逸品推倪迂師承自北苑筆與造化俱小  
景夙所見秋林位置殊一掃了了習不失太古初堯峰

既隱軫雄覺時卷舒疑有風吹林已見波縐湖不寧供  
遊歷此中乃可居畫禪大法眼豈伊邪許徒圖有董其昌跋甚詳  
因憶喬林喬未識漁莊漁見董跋得隴而望蜀知足其誰  
乎呵凍誌長言聊以適三餘

曉起

冬夜難為曉及曉轉益駛知牌猶秉燭無何報辰矣晏  
朝古所戒宵衣乃正理獨是造朝人每至五鼓起風興  
固其宜忠恕或不爾設使稍假藉息荒風更靡始知美

善無自古為難已有利必有弊萬事皆如此

昭仁殿

乾清宮之東籬為昭仁殿

皇祖在御時日夕寢興之溫室也朕弗敢居焉乃貯天  
祿琳瑯宋元鑄本於內時一徘徊曷勝今昔之思  
芸帷木榻想貽淳

聖日常懸麗棟板六十一年茲惕息百千萬世永昭仁  
好書敢謂承

先志新德惟期澡我身簷嚮周廬列書室

昭仁殿正對上書房諸皇

子讀書處也

每聞佔畢達楓宸

冬前勾決重囚惻然有感

生物天地心循環運貞元肅殺與生長迭用徵化權奉  
三百王道善長在體仁不得已明刑弼教意有存元冥  
已司令西曹封事傳囹圄諸重囚勾決例冬前三覆敕  
給事衆議集閣臣嗟嗟爾羣工敬聽予一言其諸邪淫  
流實因風俗利盜亦豈其顛為迫飢與寒我爾應試思

致此誰之愆慚愧之未遑更何容心焉死者固已矣曲  
求生者全非理得偉生誰伸死者寃永惟歐公文三復  
增惕乾

題王謙梅花

水部風如何水部

此王謙圖以贈吳工部者同時方冕  
題云水部當年省墓回王郎圖贈一

枝梅  
云云

王郎筆勝宋王郎

謂王  
淵也

若教風裊簾旌動定有蜂

窺壁上香

管道昇枯木竹石

霜葉烟梢氣味同  
頽然文石竅玲瓏  
愛他寫意閨中秀  
宛爾傳神林下風

題王淵竹鳥圖

野竹可醫俗幽禽不識名  
風來渾欲動春入定能鳴

冬夜焚香

古人秉燭遊晝短  
苦夜長焚膏繼晷者  
乃愛分陰強今  
夕復何夕急景冬未央  
瓊苑芳已歇芸閣編且  
藏靜深就溫室坐倚便  
匡林喜對博山古聊焚  
鷓鴣香離合叅

枯禪代謝惜年光憶我十年前得句學錦囊

舊作有仿李賀體燒

香狡獪久不為結習原如常

陰

蒼蔚寒雲傍晚濃凝眠久立自鳴鐘若教瑞雪初冬溥  
却勝甘霖三月逢滿意潤露郊外麥饒他景益禁中松

新來大邑瓷如玉待沃三清作靜供

舊作三清茶詩令製瓷盃用雪水烹

茶寂為  
清供

聞福寺大佛詩用去歲真定隆興寺禮大佛詩韻



我聞如來超過一切圓覺與聲聞天上天下稱獨尊弟  
子萬二千人俱孰登其堂孰入門三身四智定何有如  
水印月空寫雲四十九年未曾說一字文殊大士何乃  
請再轉法輪乃今巍巍堂堂現實相橫遍沙界其高傑  
豎窮蒼昊圍繞提婆那伽與其眷屬各肅肅蹴踏閃多  
伽耶及諸異類糝紘紘儵忽纔鑿七竅混沌死異哉千  
手千眼誰與為踈分憶我去年巡冀野時則十月星乃  
辰隆興古寺問象教佛香高閣瞻金神屏息不能一詞

贊倚欄聊息塵中身歸來落成值此寺是一是二徒云  
云久欲成詩頌相好其如萬慮常縈塵穿池曾未聚衛  
士督工奚用命將軍翼然五亭臨水裔勝國遺跡今猶  
存薄伽演梵五乘具

慈寧祝釐一念真其旁蕭灑築書室研席清事還堪論  
徘徊得句賡舊韻所欣俯仰迹成陳黏壁聊復記時日  
歲惟丁卯月小春

倣東坡壽星竹法恭祝

聖母慈壽

底論山陽與渭川琅玕个个掃晴烟壽星傳得東坡法

瑞應西池介

壽筵

冬至

南郊禮成述事

子月一陽旋

天心即見焉肅恭修大祀陟降儼

皇乾至日三丁會

是歲丁卯年十一月丁亥朔  
越二十一日丁未冬至云

明禋百

辟虔告功逢歛屢彌益凜去聲祈年

雪


時臘月  
望日

經冬翹望寤興中瑞葉欣看乍舞空及臘霏霏慰心所  
祈年切切憶田功駕樓簷齒稍融日雞樹枝頭緩度風  
齊豫麥疇曾否遍倚吟卜度意何窮

除夕

金猊柏霧靄璇霄碧樹紅輪下綺寮三百六旬中一日

迎新送故會今宵珠盤鈿盒頻頒荔玉管鸞牋待頌楸  
歲事經年重細檢惟慚玉燭大鈞調



御製詩初集卷四十四

欽惟我

皇上亶天縱多能之至德邃日新不已之神功

聖學粹精

宸藻炳蔚

樂善堂全集之刻既已陶鑄風雅含孕典謨光被海宇  
爭先作觀矣粵自

御極以來撫辰熙績疇咨僚采一日萬幾胥待理於

淵衷之宥密仰惟

宵衣旰食之勤自朝至於日中旰勞亦至矣而操觚拈  
韻動千百言且日以為程如天之有行未嘗間息  
十餘年來

存稿之積文笥者盈四千餘篇臣等及在廷臣工以校

刻

御製文集請者概却不行迄己巳初夏乃奉

命擇詞臣中善書者繕成巨帙藏之內廷且曰朕非欲  
與文士爭長恐其久而益多也不可散而不收稍



為詮次亦因以觀翰苑諸臣書法云爾

臣

等嘗恭

聆

聖諭曰結習難忘若三日不吟輒怏怏如有所失又  
諭曰逢時清晏聊以自怡正樂此不疲也蓋

聖意之謙冲如此

臣

等日侍

直廬數荷

宣示莊誦玩索或

鴻裁巨製力健舉而有餘或托興短章致悠揚而不盡

或擬古而效其體或俯和而用其韻莫不辭理淵  
妙暉麗日月牢籠天地迥出于言語思議之外而  
犁然各當於人心當

興會所屬風發泉涌筆不停綴落紙如飛應龍騰空卷  
舒莫測乃至

清蹕經臨六飛甫駐乍拂征塵旋御牋翰昔人所云成  
誦在心借書于手尚未足以形容萬一也至于發  
難顯之情周難窮之隱臣等百思不能及者

皇上神機密運表裏洞達而無餘臣等數百言不能悉  
者

皇上涉筆所至情理無到而曲盡臣等私竊擬議書曰  
思曰睿睿作聖記曰不思而得不勉而中從容中  
道聖人也明睿所照不待思勉而從容自然臻於  
至道全體大用隨處發見形於文字者特其一端  
耳而

精能之極造于神奇有非鑽仰所能窺名言所殫述者

臣等叨與枚字得挂名末簡榮莫甚焉

臣張廷玉

臣蔣溥

臣

梁詩正

臣

汪由敦

臣

劉統勳

臣

介福

臣

錢陳羣

臣

嵇璜

臣

觀保

臣

嵩壽

臣

董邦達

臣

金德

瑛

臣

張若澄拜手稽首恭跋

御製詩初集恭錄告成大學士率臣等恭跋臣溥既

榮幸列名欽惟我

皇上執中建極脩道敷文

樂善堂全集久已信今傳後

御極以來

聖學日進無疆幾務餘閑詩篇尤富臣以中外仰望

敬錄校刊伏念我

皇上敬

天法

祖勤民愛物時切為君難之一心其形諸歌詠者特流露之一端然而積日可按積月可攷積歲可稽

凡問

安視膳

省方講武周咨農事

勸戒臣工及大禮大典之所在固已持盈保泰三致意焉若夫晝夜寒暑之感乎時日星風雲之感

乎象鳥獸草木蟲魚之感乎物理情宣志無體  
不遺而覽蹟考器法鑿攸存陟嶽觀泉豫遊斯  
托以迨評品書畫與夫

宸翰自題有為文人學士百思而不能到者偶爾及  
之皆以傾瀝液而漱芳潤矧惟

聖心因物付物拈毫立就文不加點如天造地設  
臣  
幸列

內廷親覩

天藻之敷華神機迅速冠古超今蓋夫

乾綱靜握密運萬幾時措咸宜天人協應而詩固其

一端也至于體裁家數神明規矩靡所不包而

開闢變化生生而日新古體則春容浩瀚今體

則清麗沉雄此則有耳目見聞言思擬議之所

不能盡者而援據淵博運用契合神理超逸意

味醞藉不特以篇什之富為綱舉百家孕含萬

彙也方今海內久安禮隆樂盛我



皇上勅天基命詠歌具在蓋總四千一百五十有奇  
之篇夫固曰志本於為君難之一心而已矣

臣

之敬刊

御集也思慰一時之仰望而垂千古之訓行固將使

天下文人學士識所依歸抑亦我

聖子神孫億萬年所奉為標準者矣而由茲托始編

續將來臣與諸儒臣之校錄正未有艾夫太子

少保尚書臣蔣溥拜手稽首恭跋



欽惟

皇上生知性成時敏典學其脩辭立誠而發為文章者固如雲漢之昭回于天山川之經紀于地矣  
廼以其餘事形諸篇什洵足鎔鑄千秋渾涵萬象其炳烺煌煒之風有同符于中天二南之極盛者臣嚮以有韻之語受

九重特達之知久侍

講帷近光

帝德茲于蒙

恩歸老之餘

特命編讀

御極以來詩集披繙檢閱五夜咀吟自對越

天

祖孝敬

慈寧以及修明政治興起教化咨警臣工勤卹民瘼所

以建有極而正萬方者隨所感觸而歸諸摠寫

之中即小而登臨憑眺鳥獸好音之過耳草木  
榮華之飄風亦皆因物寫情因言見道凡古帝  
王卿雲糾縵之賡歌蕩平正直之彛訓槃孟戶  
牖之箴銘解愠阜財之絃誦有流溢自然而融  
洽元化者已從來登岱嶽者有小天下之觀泛  
瀛海者有難為水之喻以立乎其極羣嶽不能  
不推為宗長江漢不能不處于朝宗也恭讀

聖藻同體冲漠含蘊高深如登日觀之峰如沂鳳麟

之域有神遊于意言之表而莫贊一詞者不可

見

聖人之天縱多能也耶惜臣質鈍學荒而又年將八

秩螢光爍火縱被日月之照臨有不能易闡洵

為光華者矣惟是際

邳隆之世覩德業之成而又沐浴文明之化臣雖

退老田間不啻游泳于中天二南賡颺歌誦之

盛所謂下舞上歌蹈德詠仁者乃于老耄之年

而遇之臣不勝榮幸之至原任禮部右侍郎臣  
沈德潛敬跋

